

第六四八册

理學彙編

字學典

法帖部

卷一
三

古今圖書集成

中華書局影印

古今圖書集成
卷之六

七

古今圖書集成

中華書局影印

欽定古今圖書集成理學彙編字學典

第六十卷目錄

法帖部彙考一

唐虞亮碑 石虹山堯碑 巫山峯頂古

夏禹治水碑

周盤銘 延陵山刻石 石鼓文 比干墓字 銅
秦嶺山刻石 廬山刻石 始皇碑 舜井斷碑
那淑碑文 扶蘇墓碑 於潛縣碑 碑

漢楊君殘碑 四皓碑 神位 莊平縣刻石
居撫墳壇刻石

後漢一 道記 魏郡太守 尉君 閭道碑
平輿文 開通 魏郡太守 尉君 閭道碑
資公妻 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑
碑文 謝中 柱文 汝伯 尉君 閭道碑

巫山峯頂古篆

按法帖神品目巫山峯頂古篆邑人向萬言云尚存

崑崙室題字

按帝王七聖記題崑崙室字方一丈其體四今垂芒

雲脚書泰用刻符書有雲脚體

夏

夏禹治水碑

按衡山記雲密峰有禹治水碑皆蝌蚪文字碑下有

石壇流水祭之最為勝絕

按石墨鐫華夏禹衡岳碑二種一在嶽麓書院一在

樓霞山

周

穆王壇山刻石

按壇山石刻記贊皇縣壇山上有周穆王石刻四字

曰吉日癸巳筆力遒勁有劒拔弩張之勢

按金石錄吉日癸巳四字世傳周穆王書按穆王時

所用皆古文科斗書此字筆畫及類小篆文

按石墨鐫華周穆王壇山刻石在趙州

石鼓文

按元和郡縣志石鼓文在天與縣南二十里許石形

如鼓其數有十蓋紀周宣王畋獵之事其文即史籀

之迹唐貞觀中吏部侍郎蘇勣紀其事云虞褚歐陽

共稱古妙雖歲久謫闕然遺跡尚有可觀而歷代紀

地理志者不存紀錄尤可歎惜

按法書苑石鼓文謂之周宣王獵碣共有十鼓其文

則史籀大篆也年代斯遠字多訛闕舊存岐山石鼓

按帝京景物略石鼓高二尺廣徑一尺有奇其數十其文猶其辭誦天子之田元大德十一年虞集爲大都教授得之泥中始移國學大成門內言鼓者人人殊謂周宣王之鼓韓愈張懷瓘寶泉也謂文王之鼓至宣王刻詩草應物也謂秦氏之文宋鄭樵也謂宣王而疑之歐陽修也謂宣王而信之趙明誠也謂成王之鼓程大昌董道也謂字文周作者馬子卿也鼓文剝漫宋治平中存字四百六十有五元至元中存字三百八十有六據今摺本則甲鼓字六十一乙鼓字四十七丙鼓字六十五丁鼓字四十七戊鼓字一十二己鼓字四十一庚鼓字八千鼓字三十八癸鼓字六共三百二十五字存惟辛鼓字無存者

比干墓字 銅盤銘

按漢隸字源殷比干墓四字水經云朝歌縣牧野比干冢前有石銘隸云殷大夫比干之墓今只四字復不完石公弼云殷比干墓四字在今衛州比干墓上世傳孔子書然隸始於秦非孔子書必矣字畫勁古當是漢人書

按七修類藁比干墓在衛輝府汲縣西北十五里舊府志云墓前有殷比干墓四字石斷字缺世以爲孔子書其先聖所篆比干墓銅盤銘開元中固已爲耕者所得此外不聞墓前有何古刻

按鐘鼎款識言唐開元中偃師縣土人耕地得此盤篆文甚奇古釋文云左林右泉後岡前道萬世之藏茲焉是寶張邦基墨莊漫錄又云政和間求三代鼎彝器遣人于鳳翔府破商比干墓得銅盤徑一尺餘中有款識一十六字

延陵季子墓碑

按學古編延陵季子十字碑人謂孔子書其文曰嗚呼有吳延陵君子之墓按古法帖止云嗚呼有吳君子而已篆法敦古可信今此碑妄增延陵之墓四字除之字外三字是漢人方篆不與前六字合又且晉君子字作季子漢器蜀郡洗郡字半升正與此碑君字同蓋用此法也以季字音君字顯見其謬比干墓有漢人篆碑亦有此說洪氏隸釋及漢隸字源辨之甚明矣

按石墨鐫華仲尼季札墓題字在鎮江府

秦

嶧山刻石

按聞見記嶧山始皇刻石其文李斯小篆後魏太武登山使人排倒之然而歷代摹拓以爲楷則邑人疲於奔命聚薪其下因野火焚之由是殘缺不堪摹寫然猶上官求諸行李登涉人吏轉益勞弊有縣宰取舊文勒於石碑之上凡成數片置之縣廨須則拓取今間有嶧山碑皆新刻之碑也

按石墨鐫華秦嶧山刻石二種李斯篆一在西安府學一在鄒縣

泰山刻石

按述古書法纂泰山碑秦李斯篆始皇封禪泰山碑石在山東濟南府

之罘山刻石

按金石錄史記本紀始皇二十九年登之罘山凡刻兩碑今皆磨滅獨二世詔二十餘字僅存後人鑿石取置郡廨

贛榆刻石

按水經注贛榆縣北東側巨海有秦始皇碑在山上去海一百五十步八寸一行一十二字

廬山刻石

按水經注廬山之南有上霄石高壁緬然與霄漢連接始皇三十六年歎斯岳遼遠遂記爲上霄焉上霄之南大禹刻石誌其丈尺里數今猶得刻石之號者舊云昔禹治洪水至此刻石紀功或云秦始皇所勒然歲月已久莫能辨之也

始皇碑

按輿地碑目九州要記云始皇登秦望山以望海今始皇碑在嘉興縣

舜井斷碑

按法帖神品目舜井斷碑秦時隸書在隨州

那湫碑文

按天下金石志在固原州

扶蘇墓碑

按天下金石志在寧州

於潛縣刊字

按杭州府志碑碣目秦皇所刊於潛縣石柱山石杵十數字

漢

楊君殘碑

按漢隸字原碑云當劉項之際有楊武者家於茲邦奕世載德扶而興漢碑多殘闕名字不存獨有元年字上缺不可考

四皓碑

按東觀餘論三輔舊事云漢惠帝為四皓作碑于其所隱處此神坐及昨机豈亦當時所立邪

四皓神位昨机刻石

按金石錄四皓神位昨机刻石四在惠帝陵旁驗其字畫蓋東漢時書

鄭三益關銘

按金石錄鄭三益關銘武帝建元二年自劉聰後屢以建元紀年此銘非晉已後人書

陽朔輓字

按金石錄輓字云尉府靈陽朔四年正朔始造設已所行字畫奇古西漢文字世不多有此字完好可喜

按隸續西漢字見於彝器者皆是篆文此輓分行作棋局大眼數字略有隸體與會稽路都尉關頤相似

建平縣碑

按漢隸字原建平五年立乾道初始出在永康其石三面高卑凸凹刻隨其勢即蔡道刻記所謂范功平磨崖碑也復齋碑目作建平范功平治道碑

居攝壇壇刻石

按金石錄居攝壇壇刻石二其一云上谷府卿墳壇其一云祝其卿墳壇皆居攝二年三月造

後漢一

扈君輓

按盧浦筆記乙輓其文云持節使者北宮衛令扈君千秋之宅建武二十八年五月丙午工李邑作乙輓其文云北宮衛令扈君萬秋宅皆篆文

蜀郡太守何君閣道碑

按隸釋光武中元二年刻此碑蜀中近出東漢隸書斯為之首字法方勁古意有餘如瞻冠章甫而衣縫掖者使人起敬不暇雖敗筆成冢未易窺其藩籬也蜀人以為尊樞閣碑

治道記

按輿地碑目在永康軍永平元年

會稽東郡都尉路君關銘

按金石錄路君關銘二其一云會稽東郡都尉路君關永平八年四月十四日庚申造其一云君故豫州刺史路君不知為何人

永平輓文

按隸續四行九字云永平八年七月廿日作

開通東斜道碑

按漢隸字原永平九年立在興元府紹興甲寅帥章德茂得之於褒斜谷中

孝子王立碑

按水經注安喜縣有漢明帝時孝子王立碑

張賓公妻穿中二柱文

按隸釋張氏穿中記二本張賓公之妻之穴也其間云建初二年則章帝年號字古而拙在會稽都尉路君關之後眉州李治中云武陽城東彭亡山之巔石窟如屋大執燭視之得題識三所一在門旁為土所蝕僅存其上十許字穿中沙石不堅觀者指摩悉皆漫滅其二在兩柱前稍高故可拓時紹興丁丑年也

汝伯寧輓文

按隸續六行十八字建初三年作

曹叔文輓文

按隸續八行行四字建初七年作

謝君輓

按盧浦筆記元和三年造

南武陽功曹關銘

按金石錄關銘云南武陽功曹鄉魯夫又云以為國三老又云章和元年其他族系名字皆磨滅不可考究墓在今沂州有兩關其一銘元和中立文字尤殘缺難讀

戚伯著碑

按隸釋嘉祐中宿州浚汴得之泥沙中其字畫古怪偏旁增減亦有不可辨者世祖建武三年章帝章和元年威宗建和元年獻帝建安十二年皆丁亥也碑有太歲丁亥字當是建武或章和年所刻者

司徒袁安碑

按天下碑錄永元四年

永元十六字

按漢隸字原在末康軍蔡道刻記云在范功平磨崖之西五十餘步去地數寸復齋碑目作永元六年攻石題

南安長王君平鄉道碑

按漢隸字原永元八年立嘉州夾江縣涇口磨崖復齋碑目作平鄉明亭開道碑

王子香廟頌

按水經注枝江縣有陳留王太子香廟頌以永元十八年立廟設祠刻石銘德號曰枝江白虎王君

桂陽太守許荆碑

按後漢書許荆傳荆為桂陽太守在事十二年父老

稱歌卒於官桂陽人爲立廟樹碑

末初軼文

按漢隸字原永初元年作

青衣尉趙孟麟羊寶道碑

按隸釋近歲始出於眉州趙君孟麟以安帝永初六年穿崖易道故刊石以志其事字畫甚拙非何君閣道碑之比嘉州夾江縣又有磨崖四百餘字云扶風王君遺掾何章修治故書崖以頌之蓋和帝永元八年也筆札亦拙又崖石增長字體失真無可取者

延年碑字

按漢隸字原永初七年造

末初官整文

按漢隸字原末初七年作眉人掘武陽故城得之

謁者景君墓表

按隸釋景君任城人以安帝元初元年卒石磨滅可讀者纔數句碑陰有諸生服義者十五人即立碑之人也其分行布字已井井有法題首七字波勢清逸有八分之體 又按隸釋景謁者碑陰義士一人曰北海張敏餘人皆稱弟子

鄭令景君闕銘

按隸釋安帝元初四年立墓有雙石闕其一刻此文在濟州任城縣南

嵩山太室神道石闕銘

按金石文字記八分書元初五年四月今在登封縣中嶽廟南百餘步銘八行年月及職官姓名共十三行

賜豫州刺史馮煥詔

按隸釋安帝元初六年首云告豫州刺史馮煥者其石下斷惟存上八字

孝子董蒲闕

按漢隸字原永寧二年立

幽州刺史馮煥神道

按隸釋今在渠州馮緄傳云父煥安帝時爲幽州刺史建光元年卒

馮煥殘碑

按隸釋馮煥殘碑三十九字未有永寧二年四字建光之元即永寧二年是歲七月改元煥以四月終故碑尚用舊年也 又按隸釋馮煥殘碑陰諸曹史及帳下司馬武剛司馬十餘人

開母廟石闕銘

按金石文字記篆書延光二年今在嵩山啓母廟南避景帝諱改啓爲開葉封嵩陽石刻記云石質甚粗劣篆文亦未盡善

少室神道石闕銘

按金石文字記篆書今在登封縣西十里葉封嵩陽石刻記云凡二十一行行四字其所列丞薛政等與啓母廟同其爲一時所立無疑也

大匠翟輔碑

按後漢書翟輔傳輔爲大匠上言太學頽廢宜更修繕誘進後學順帝從之遂起太學更開拓房室學者爲輔立碑銘於學云

寧室銘

按金石錄順帝永建元年五月

山陽麟鳳碑

按隸釋麟鳳二物共一石像下有雙碑陰有記云永建元年山陽太守河內孫君新刻瑞像最後有銘詞皆篆文也胡承公云其石兩旁有隸書六十九字趙氏但得其篆予所藏亦然

按米海岳畫史麟鳳圖半篆半隸以九字九行爲率余題曰非篆非科璞已彫

孝女叔先雄碑

按後漢書列女傳叔先雄者健爲人也父泥和墮湍水物故尸喪不歸雄於父墮處慟哭遂自投水死後六日與父相持浮於江上郡縣表言爲雄立碑圖象其形焉

幽州刺史祥柯太守張子陽碑

按輿地碑目在懷安軍唐化鎮沿江五里許永建四年造

漢安長陳君闕道碑

按漢隸字原末建五年立在資州內江縣

袁良碑

按隸釋在開封之扶溝袁君名良順帝末建六年卒其孫衛尉滂立此石滂以光和年爲相其作九卿當在靈帝之初水經云扶溝有袁梁碑者誤也

永建刻銘

按廣川書跋元祐二年永城下得石如豐碑其上刻銘永建六年五月

謁者王誨碑

按水經注滎口石門南際河有碑云惟陽嘉三年二月丁丑使河堤謁者王誨疏達河川刊石記功垂示於後陳留後儀遠韶字孝先頌石銘歲遠字多淪缺

洛陽橋石柱銘

按水經注洛陽建春門右橋建兩石柱橋之石柱銘曰陽嘉四年乙酉壬申使中謁者魏郡清淵馬憲監作石橋梁柱

太學碑

按水經注石經東有一碑是漢順帝陽嘉八年立碑南面刻頌表裏鏤字猶存不破

太學贊碑 弟子贊碑

按水經注陸機言太學贊別一碑在講堂西下列石龜碑載蔡邕韓說高堂谿等名太學弟子贊復一碑在外門中今二碑並無

西嶽石闕銘

按金石錄銘曰永和元年五月癸丑朔六日戊午弘農太守常山元氏張勳爲西嶽華山作石闕高二丈二尺永和漢順帝晉穆帝姚泓皆有此號穆帝時華陰不爲晉以此碑字畫驗之恐非姚泓時蓋漢刻也

北海相景君銘

按隸釋濟州任城有景氏三碑皆不著其名字順帝漢安二年卒

按漢隸字原碑陰凡三列後一列下云行三年服者凡八十七人

按弇州山人稿漢故益州太守北海相景君銘今在濟寧州學

法真刻石

按後漢書法真傳真恬靜寡欲不交人間事前後四徵不屈友人郭正等刊石頌之號曰元德先生

司馬遷碑

按水經注在夏陽永嘉四年漢陽太守殷濟立碑

武氏石闕銘

按金石錄銘云建和元年三月四日孝子武始公弟經宗景興開明使石工孟李李弟卯造此闕

熒煌長史武班碑

按隸釋在濟州任城武君名班字宣張冲帝永嘉元年卒後三年同舍郎史恢曹芝六人所立

吳郡丞武開明碑

按金石錄碑云君字開明名已滅缺建和二年十一月十六日卒其他磨滅不能盡讀

司隸校尉楊孟文石門頌

按隸釋在興元咸宗建和二年漢中太守王升立水經及歐趙皆謂之楊厥碑蜀中晚出楊准碑云司隸校尉楊君厥諱淮大司隸孟文之元孫也始知兩碑皆以厥爲語助此後人頌其勳德故字之而不名

按漢隸字原墨寶云楊君石門頌褒地縣北五里磨崖

廣漢長王君治石路碑

按隸釋碑以一表字題其上在今漢州咸宗建和二

年楊子欽所作

漳河神壇碑

按水經注鉅鹿縣銅馬祠側有碑述河內修武縣張導字景明以建和三年爲鉅鹿太守通正水路功績有成題云漳河神壇碑廟爲銅馬劉神祠是碑因震裂餘半不可復識矣

孔子廟碑

按水經注孔子廟前有一碑西面是陳相魯國孔疇

建和五年立

班孟堅碑

按水經注東太山人班孟堅碑建和十年尚書石丞拜沱州刺史從事秦閏等刊石頌德政

張公神碑

按隸釋在黎陽咸宗和平元年立碑云朝歌長鄭柳爲張公建闕作碑銘謁者李君又作歌九章刻之石

皴剝不明僅能辨其梗槩

縣三老楊信碑

按隸釋碑今在蜀中石已剝剝鮮有成章者惟官氏名字俱存其中有惟兮和平大漢元年之文

祝長嚴祈碑

按金石錄政和中下邳縣民耕地得之碑云和平元年六十九又云諱祈字少通其後有銘銘爲五言頗殘缺難讀云

馮君開道碑

按漢隸字原馮君開道碑和平元年立

曹娥碑

按後漢書列女傳曹娥者會稽上虞人也父盱溺死娥遂投江死元嘉元年縣長度尚改葬娥於江南道傍爲立碑焉

從事武梁碑

按金石錄碑云諱梁字綏宗元嘉元年卒其後有銘其他刻畫皆完可讀碑在濟之任城崇寧初嘗得此碑愛其完好後十餘年再得此本則缺其最後四字矣

廣漢蜀國都尉丁魴碑

按隸釋今在巴州威宗元嘉元年立丁君名魴字叔河其碑僅有數句成文

彭山廟碑

按水經注彭山廟前有彭山碑漢桓帝元嘉三年杜仲長立

郎中王政碑

按隸續在濟州元嘉三年立字雖殘闕尚多可讀者歐陽公云磨滅不復成文名字官闕卒葬年月皆莫可考蓋察之不詳爾小歐陽以爲其字季輔趙氏以爲光和元年立皆非也

平都侯相蔣君碑

按金石錄平都侯相蔣君碑文字殘缺其名字官闕皆不可考元嘉二年卒

按隸釋其文有云禮畢祥除瞻望墳塋則此碑乃後來所立

李母冢碑

按水經注李母冢冢東有碑是永興元年謚令長沙王阜所立

孔廟置守廟百石孔鯨碑

按隸釋在兗州仙源縣威宗末興元年立嘉祐中郡守張稚圭按圖經云鍾繇書鍾繇以魏太和四年卒去永興蓋七十八年圖經所云非也

張昶華山祠堂碑

按水經注華陰縣華山下有漢魏文帝三廟廟有石闕數碑一碑是建安中立漢鎮遠將軍段熲更修祠堂碑文漢給事黃門侍郎張昶造昶自書之元帝又刊其二十餘字二書有重名傳於海內又刊傳中司

隸校尉鍾繇弘農太守毋丘儉姓名廣六行鬱然循平是太康八年弘農太守河東衛叔始爲華陰令河東裴仲恂役其逸力修立壇廟引道樹柏迄於山陰事見永興元年華百石所造碑

孔謙碣

按漢隸字原永興二年立在兗州集古錄金石錄作孔德讓碑

東海祠碑

按天下碑錄永壽元年東海相桓君立

益州太守無名碑

按隸釋碑首云永壽元年三月十九日益州太守某君卒其姓獨刊滅或有謂之馮君者豈予所藏偶不明邪 又按隸釋碑陰有牧靡故吏三人題名在跌之右

孔君碣

按金石錄在孔子墓林中其額題孔君之墓文已殘缺其前云元年乙未元年前上闕二字按東漢自建武以後惟桓帝永壽元年歲次乙未其他有乙未皆非元年然則此碣所闕二字當爲永壽也

吉成侯州輔碑

按金石錄題額云漢故中常侍長樂太僕吉成侯州君之銘輔見後漢書宦者傳水經云曄縣曄水南有漢中常侍長樂太僕吉侯苞冢冢前有碑其碑云六帝四后是諮是詠今驗其文實有此語獨以輔爲苞蓋水經之文誤 又按金石錄州輔碑陰京兆尹延篤叔堅而下題名者凡四十餘人

州輔墓獸膊字

按金石錄水經注云州君墓有兩石獸已淪沒人有掘出一獸獨不全破制作甚工右膊上刻作辟邪字董之明守官汝穎見寄其一辟邪道元所見也其一乃天祿字差大皆完好可喜之明又云天祿近城爲郇民所毀辟邪雖存然字畫已殘缺難辨

韓勅造孔廟禮器碑

按隸釋永壽二年立其文雜用識緯不可盡通 又按隸釋韓勅碑陰六十有二人不稱字者一人不稱名者二十一人

魯相勅復顏氏繇發碑

按天下碑錄永壽二年

韓勅修孔廟後碑

按隸釋威宗永壽三年立其間云修飭舊宅改畫聖象立禮樂器車輿薦席牆室壇井皆修廟事也

按隸續韓勅孔廟後碑陰永壽三年孔從事所立

韓勅孔林別碑兩側題名

按漢隸字原沈虞卿爲韓勅碑兩側題名

孔君德碑

按天下碑錄永壽三年故荅州從事孔君德於孔子墓祠壇前立在仙源縣

郎中鄭固碑

按集古錄文字磨滅莫可考其僅可見者云君諱固字伯堅

按漢隸字原延熹元年立在濟州任城縣學

王君造四縣邸碑

按水經注陳縣城內有漢相王君造四縣邸碑文字剝缺不可悉識其略曰以延熹二年云云

費縣令田君碑

按集古錄延熹二年今在沂州其名字皆已磨滅殘缺不可次第而隱隱可見有故吏薛咸等立石勒銘之語乃費縣令長德政去思碑爾

議郎元寶碑

按隸釋在亳州碑無額故不得其姓石缺又失其名延熹二年卒

險路銘

按漢隸字原延熹二年立或作磨崖張休崖銘

楚相孫叔敖碑

按隸釋今在光州延熹三年固始令段光為叔敖作廟所立 又按隸釋孫叔敖碑陰與前碑皆延熹三年五月所作

中常侍樊安碑

按隸釋樊君名安字子仲威宗永壽四年卒其子以延熹三年仲冬始刻此碑其末又載延熹元年八月丁酉贈騎都尉詔趙氏遂以碑為元年所立而歐公云字子佑皆誤也

壽張侯樊宏碑

按隸釋壽張侯者名宏碑在唐州湖陽三十五年來椎拓已漫滅其半矣治平中縣令樂京亦嘗為之再刻

中常侍曹騰碑

按水經注曹嵩闕北有圭碑題云漢故中常侍長樂太僕特進費亭侯曹君之碑延熹三年立碑陰又刊詔策二碑文同

江原長進德碣

按隸釋延熹三年造

丹陽太守郭曼碑

按金石錄碑云君諱曼字巨公延熹元年十月卒三載禮闕乃羣相與刻石勒銘

冀州刺史王純碑

按隸釋王君名純以威宗延熹四年卒水經云須句西有冀州刺史王紛碑中平四年立年與名皆誤也碑在鄆州中都縣

按金石錄碑陰前題門生人名自東平馮定伯而下文字完好可識者百九十八人字畫純勁可喜

封丘令王元寶碑

按石墨華延熹四年立集古金石並作元寶隸釋云元寶字畫分明非是測度

按漢隸字原延熹四年立集古作修廟碑陰金石作王元寶

日南太守胡著碑

按水經注湖陽有漢日南太守胡著碑廟堂皆以青石為階陛闕北有石堂延熹四年立石勒銘於梁楊公碑陰題名

楊公碑陰題名

按集古錄目無各氏題名可見者十五人皆稱故吏在闕鄉楊氏墓側不知何人碑陰也延熹五年立蒼頡廟人名

按金石錄延熹五年正月字畫不甚精又無事實可考姑疑其名號以俟知者

成阜令任伯嗣碑

按金石錄碑首已殘缺字伯嗣南郡人延熹五年遷來臨縣碑在今汜水縣蓋成阜令德政頌 又按金

石錄任伯嗣碑陰大觀初獲此碑置於汜水輦運司廨舍壁間

淮源廟三碑

按水經注桐柏山南有淮源廟前有碑是南陽郭苞立又二碑並是漢延熹中守令所造 按集古錄目地碑目云在隨州二說互異未知孰是

按隸釋今碑在唐州載延熹六年南陽守躬祠淮廟

事

平輿令薛君碑

按金石錄碑文字完好云延熹六年春二月乃建碑石於墓之側其後有銘三百餘言惟不載其名字世系

廣野君廟碑

按水經注延熹六年十二月雍丘令命縣人長照為文用章不朽之德

山陽太守祝睦碑

按集古錄碑云君諱睦字元延熹七年八月卒睦有二碑皆在今南京虞城縣後碑頗完故錄於次 蜀郡屬國辛通達李仲曾造橋碑

按隸釋其上橫行有數字惟府卿明府四字不毀二人之下又橫刻二十有六字兼篆隸之體漢碑無如是模式者首行云惟延熹龍在甲辰蓋威宗延熹七年也石損字拙頗難想象

封龍山碑

按漢隸字原封龍山碑二在獲鹿縣南四十五里山上延熹七年立

真道家地碑

按漢隸字原延熹七年立在萬州

泰山都尉孔宙碑

按隸釋孔君名宙即融之父也威宗延熹六年正月卒碑以次年七月立 又按隸釋門生故吏名孔宙碑陰也漢碑多有陰然稀少有額獨此刻以五大篆表其上

孝子嚴舉碑

按漢隸字原延熹七年立在梁山軍隸續云蜀人謂之浮瀾灘記不知何義 又按字原嚴舉碑陰有主吏督郵八先書其姓於主吏督郵之上而繼之以諱某字其他碑所未有

潁川太守曹君碑

按水經注曹騰兄冢東有碑題云漢故潁川太守曹君墓延熹九年卒而不刊樹碑歲月

祝睦後碑

按隸釋與前碑皆在應天府虞城縣祝君以延熹七年卒故吏王堂等三年禮闈相與刊此石則延熹之九年也

泗水亭高廟碑

按水經注泗水亭有高廟廟前有碑延熹十年立

司徒盛允碑

按水經注虞縣有漢司徒公盛允碑允字伯世梁國虞人也延熹中立

溫令許續碑

按水經注溫水之北有漢溫令許續碑續字嗣公陳國人也舉賢良拜議郎遷溫令延熹中立

延熹碑

按篁墩集前為古篆後作分書

濟陰太守孟郁修堯廟碑

按隸釋漢威宗永康元年立是歲春陽為沴孟府君行縣謁廟即獲膏雨遂繕治大殿成陽令呂亮丞王真共作殿前石礪階陛欄楯

按漢隸字原堯廟碑陰皆載仲父祖兄弟子孫所終之官獨有一董永為異姓

荊州刺史度尚碑

按隸釋度君名尚山陽湖陸人未有題字一行云永康元年丁未蓋是記立碑之歲即延熹九年之次年也此碑在湖陵荒野政和王辰巡檢王當世見之始遷於官廨其後邑令騰君欲徙碑於沛舟三載而三覆繼因大水漲沒不出乙未年劉宗儀攝事乃立之使星亭云

車騎將軍馮緄碑

按輿地碑目在永睦縣緄薨於威帝之末康元年其文瞭然可讀

武榮碑

按集古錄目不著書撰人名氏榮字含和桓帝末官至執金吾丞碑不書其鄉里及卒葬年月

太尉楊震碑

按隸釋楊氏墓在陝州閭鄉所存隸碑凡四此碑乃其孫沛相統之門人汝南陳熾等所立沛相以靈帝建寧元年卒此碑蓋建寧以後刻者去楊公物故時已四十餘年

按集古錄碑陰題名者二百九十人其餘磨滅不完者又十餘人隸法精妙

沛相楊統碑

按隸釋碑缺不知其名髣髴有富波君字按楊震碑云長子牧富波侯相牧子統金城太守沛相則知此為楊統碑也集古錄云碑在閭鄉楊震墓側以靈帝建寧元年卒故吏戴條等共立此碑詞翰俱妙 又按隸釋楊統碑陰凡十五人不稱郡皆沛人也

高陽令楊著碑

按隸釋楊君名著太尉震之孫常山相讓之子也其名得之於震碑石損亡其年 又按隸釋楊著碑陰其間有沛君門生者沛相統也後公門生者太尉秉也非皆著之門生故不名

堵陽長劉子山斷碑

按漢隸字原建寧元年立于山字也其名疑是松字

郃州刺史趙融碑

按水經注郃夷縣有漢郃州刺史趙融碑靈帝建安元年立

司徒孔扶碑

按隸續關里祖庭記孔林有司空孔扶碑碑錄云司農孔峽碑在仙源縣墓前建寧元年立農峽二字乃傳寫之訛

衛尉衡方碑

按隸釋建寧元年立趙氏誤以為三年末有小子門生朱登題名

浚儀令衡立碑

按隸釋在鄆州衡君名立字元節歐陽公以為元節碑趙氏曰碑有額題浚儀令衡君之碑予亦未之見也石多缺惟銘尚可讀

冀州從事張表碑

按漢隸字原建寧元年立諸道錄云在澶州府衙都廳上集古金石隸釋云在冀州

竹邑侯相張壽碑

按隸釋張君名壽以孝廉爲郎嘗相竹邑靈帝建寧元年卒

廣陵縣令王君神道

按金石錄建寧元年十月造

魯相晨謁孔子家文

按金石錄文已斷裂略可見者云建寧元年三月十八日丙申魯相晨有兩碑皆在孔子廟中

史晨饗孔廟後碑

按隸釋前碑載奏請之章此碑敘饗禮之盛其補牆垣治瀆井種梓守冢皆在饗廟之後字畫亦大小不等蓋史君孔林中事不一書也

魯相史晨祠孔廟奏銘

按隸釋魯相史晨祠孔廟奏銘靈帝建寧二年立

金鄉長侯成碑

按漢隸字原建寧二年立在單州單父縣墓側

孝廉柳敏碑

按隸釋今在蜀中柳君名敏本初元年再爲郡守所舉後二十三年縣令趙臺念其墓無碑志故爲立石時靈帝建寧二年也

郎中馬江碑

按隸釋馬君名江元嘉三年卒此碑字體古拙而疎密不等其間載建寧二年夫人曹氏卒蓋相去十七年矣當是因夫人卜兆以馬君同堂

朱子浚碑

按水經注介休縣有徵士郭林宗朱子浚二碑宋以有道司徒徵林宗縣人也建寧四年正月丁亥卒四方同好樹碑表墓銘景行云

李翕龍池五瑞碑

按隸釋李君昔治龍池臻此瑞物及西狄磨崖因刻於前非碑陰也

博陵太守孔彪碑

按隸釋孔君名彪歷下郡守以靈帝建寧四年卒趙氏云孔君自博陵再遷河東而碑額題博陵莫曉其何謂予觀碑陰有故吏十三人皆博陵之人相與刊立碑表故以本都題其首也

河東太守孔雄碑

按金石錄建寧四年在兗州

慎令劉修碑

按隸釋在應天府下邑縣劉君名修以孝廉爲郎終於辛巳靈帝建寧之四年也

沈州刺史楊叔恭碑

按水經注沈州刺史茂陽楊叔恭碑從事孫光等以建寧四年立

石門銘

按水經注滎陽有浚儀渠建寧四年於敖城西北壘石爲門以通渠口謂之石門西去河三里石銘云建寧四年十一月黃場石也而主吏姓名磨滅不可復識

北軍中侯郭仲奇碑

按漢隸字原建寧五年立在孟州濟源縣隸釋云漢

隸之神品

成陽靈臺碑

按隸釋靈帝建寧五年五月立與堯母二碑在成陽皆有陰又按隸釋靈臺碑陰治黃屋者二十八人作碑十五人凡諸仲三十一人異姓者四人

堯廟碑

按水經注平陽縣汾水東原上有小臺臺上有堯神屋石碑

桂陽太守趙越碑

按水經注獲嘉縣西有漢桂陽太守趙越墓冢北有碑越字彥善縣人也守河南尹建寧中卒碑東又有一碑碑北有石柱石牛羊虎俱碎論毀莫記

樂成令太尉掾許嬰碑

按水經注嬰字虞卿司隸校尉之子建寧年立

崔瑗墓碑

按後漢書崔瑗傳瑗父卒割賣田宅起冢竝立碑頌

崔寔碑

按後漢書崔寔傳寔建寧中卒大鴻臚袁隗樹碑頌德

李翊夫人碑

按隸釋李翊之配也兩碑今在梁州歐趙時皆未出司隸校尉楊淮碑

按隸續熹平二年同郡下玉過其墓爲勒此銘紹興中此碑方出歐趙皆未之見

張道陵碑

按輿地碑目在洪雅縣有熹平二年三月一日等字

陳明府廟紀功記

按餘杭縣志縣令扈大亮撰漢熹平二年陳爲縣令築城濬濠開湖築塘有功民祠爲鎮城土地以設主簿郎典案從祀

桂陽太守周憬功勳銘

按漢隸字原熹平三年立在韶州樂昌廟內與柳州接界集古云碑文磨滅名不可辨圖經但云周使君後漢書無傳及得碑陰方知名景題云神漢獨此碑爾

又按字原周憬碑陰宰曲紅而漢書皆作曲江者一人貫曲紅者十六人

繁陽令楊君碑

按隸釋逸其名楊君者太尉震之孫自郎中除右都侯遷繁陽令以靈帝熹平三年卒

又按隸釋碑陰凡百三十有四人皆繁陽之人也

元儒先生妻壽碑

按隸釋今在光化軍妻君名壽以靈帝熹平三年卒國人相與諡之曰元儒先生碑首所篆妻字頗異圖經謂之翟先生碑

又按隸釋妻壽碑陰可見五十四人漫滅者四人此碑在光化而歐趙不云有陰以前碑合之大小與中穿適相等然後知爲妻君碑陰

決也

武都太守耿勳碑

按隸續熹平三年造在成州同谷縣

石經

按水經注漢碑五經立於太學講堂前悉在東側碑上悉刻蔡邕等名魏正始中又立古篆隸三字石經於堂西四十八枚廣三丈魏文帝又刊典論六碑附於其次

按洛陽伽藍記漢國子學堂之前有三種字石經二十五碑表裏刻之作篆科斗隸三種字蔡邕筆之遺跡也猶有十八碑餘皆殘毀復有石碑四十八枚一作六枚亦表裏隸字又讀學碑一所並在堂前

按隸釋水經云光和六年立石於太學其上悉刻蔡邕名魏正始中又刻古篆隸三字石經蓋諸儒受詔在熹平而碑成則光和年也隋志有一字石經七種三字石經三種其論云漢鑄七經皆蔡邕書又云魏立一字石經其說自相矛盾新舊唐志有今字石經七種而注論語云蔡邕作又有三字石經古篆兩種蓋唐史以隸爲今字也觀遺經字畫之妙非蔡中郎輩不能爲以黃初後來碑刻比之相去不啻霄壤當以水經爲據三體者乃魏人所刻儒林傳云爲古文篆隸三體者非也史稱邕自書丹使工鑄刻今所存諸經字體各不同雖邕能分善隸兼備衆體但文字之多恐非一人可辦史云邕與堂谿典楊賜馬日碑張馴韓說單颺等正定諸經今公羊論語之後惟堂谿日碑二人姓名尚存別有趙岐劉弘張文蘇陵傳植左立孫表數人竊意其間必有同時揮毫者惜無

可攷

鄧子真舍宅殘碑

按隸釋所存其上十數字餘石碎矣有歲月云平四年上存四點必熹平也

幽冀二州界石文

按水經注北平縣界有漢熹平四年幽冀二州以戊子詔書遣冀州從事王球幽州從事張昭郡縣分境立石標界具揭石文

沈州刺史薛季像碑

按水經注昌邑縣有沈州刺史河東薛季像碑以郎中拜郎令甘露降園熹平四年遷州明年甘露復降殿前樹從事馮巡主簿華操等相與褒樹表勸棠政

太傅橋載碑

按水經注雖城南有漢太傅橋載墓碑載字元賓梁國睢陽人也睢陽公子熹平五年立

梧臺石社碑

按水經注臨淄梧臺西有石社碑猶存漢靈熹平五年立其題云梧臺里

廣漢太守沈子琰縣竹江堰碑

按隸釋今在漢州靈帝熹平五年立沈君子琰其名不可辨雖石多剝缺文句斷續其間指意猶可推尋蜀人謂之縣竹江堰碑姑因其名云

倉頡廟碑

按金石錄文字殘缺其略可辨考其歲蓋熹平六年立

豫州從事尹宙碑

按金石文字記八分書熹平六年四月今在郢陵縣

梁相費況碑

按隸釋今在湖州費君名況堂邑令鳳九江太守政之父也鳳以威宗熹平中卒碑載費君二子所終之官此蓋其孫均所立故其銘有穆穆顯祖之句按金石錄云無建立年月錄於其于堂邑令碑前

堂邑令費鳳碑

按隸釋今在湖州費君名鳳以靈帝熹平六年無射之月其妻之弟卜君追諡之乃作此碑碑中無名字見之石君詩其後有門下功曹題名者九人

斥彭長斷碑

按金石錄碑在華陰已斷裂惟存下一段最後題熹平六年十月九日辛酉造

長水校尉曹熾碑

按水經注潁川太守墳北有其元子熾冢冢東有碑題云漢故長水校尉曹君之碑熹平六年造

謁者曹引碑

按水經注曹熾弟引冢東有碑題云漢謁者曹君之碑熹平六年立

秦君碑首

按集古錄熹平中碑在南陽界中字已磨滅不可識獨碑首字大僅存其筆畫頗奇偉蔡君謨甚愛之

司農劉夫人碑

按漢隸字原司農劉夫人碑漢太尉許或之室也碑之立在光和之前

桓彬碑

按後漢書桓彬傳桓彬少與蔡邕齊名光和元年卒蔡邕等以為彬有過人者四夙知早成岐嶷也學優

文麗至通也仕不苟祿絕高也辭隆從處潔操也乃共樹碑而頌焉

太尉橋元三碑

按水經注睢陽有漢太尉橋元墓列數碑一是漢朝羣儒共刊石立碑一碑是故吏勒石一碑以橋公嘗收涼州乃樹碑頌光

金廣延母徐氏紀產碑

按隸釋碑今在雲安其辭云光和元年五月中旬其石半滅所存者其下段爾

金恭碑

按隸釋其石剝缺殘章少有可句者金掾李本即其父也二弟曰廣延曰雍直其母徐氏有紀背產碑

處士金恭闕

按隸釋子下一字惟存一筆以基碣及金廣延母碑參之知其字子肅也近歲出於雲安軍土中按此二母徐氏碑後

太尉郭禧斷碑

按隸續所存其上一段字畫方勁前後數行僅有數十字可認其中強半剝落禧以光和二年薨禧之子五原守奉柩歸葬舊鄉

按金石錄郭禧碑陰其首有四大字云故吏人名其下列百餘人字畫完好甚多筆法淳古可愛

郭禧後碑

按金石錄漢郭禧後碑殘缺尤甚其略可辨者惟光和二年夏五月甲寅大中大夫故太尉郭公薨其額題字畫尚完云

丹陽太守郭旻碑

按隸續郭君名旻太尉禧之兄也以威宗延熹元年卒三載禮闕諸子已刻墓道之銘矣而碑石狹小加有瑕癥後十餘年當孝靈光和之二年其從子五原太守鴻因葬太尉公遂與其孫范不改舊文重立此碑

西嶽華山亭碑

按漢隸字原光和二年立在華州

樊毅修華嶽碑

按漢隸字原光和二年立在華州

樊毅復華下民租碑

按漢隸字厚光和二年立在華州碑久湮沒唐興元元年華陰令盧倣求得而為之記八分書於碑末集古錄目作修西嶽廟復民賦頌

太尉陳球碑

按隸釋陳公名球下邳淮浦人靈帝光和二年卒

陳球後碑

按隸釋兩碑之前幾二百字可讀末則文字凋落又按隸釋陳球碑陰故吏故民凡四十人陳公兩碑書法皆不精此則遠過之陳公兩碑皆在淮陽趙氏但有一碑陰而水經謂墓前有三碑似亦指碑陰為一也此碑有兩裂文與前一碑同故附之其後

禹廟碑

按金石錄光和二年十二月丙子朔十九日甲子皮

氏長南陽章陵劉尋孝嗣丞安定烏氏樊璋元孫其後銘文多殘缺不能盡識碑在龍門禹廟 又按金石錄禹廟碑陰數十人姓名官爵具存在今龍門禹廟殘碑之陰集古錄云在閩鄉楊震墓側又云楊氏子孫當時皆葬閩鄉此不知爲誰碑者蓋誤也

舜子巷義井碑

按隸釋碑石理斲剝其間有光和三字知爲漢碑也碑在隋之舜子巷元祐丁卯年郡守許覺之始徙於後圖識其陰云隸書字雜科蟲體 又按隸釋義井碑陰題名之下又有數十字蓋是紀事之辭殘缺無成文者

冀州從事郭君碑

按金石錄名字已殘缺碑云光和二終三年十月葬

右侍無名人墓闕

按漢隸字原光和三年立

二公山碑

按隸釋兩旁又有封龍君靈山君六隸字頗大此碑光和四年左尉樊子義立

按漢隸字原在真定府石氏集古以爲北嶽碑金石錄云恐歐公未見其額

無極山碑

按隸釋碑在真定此山與三公山封龍山靈山白石山皆在元氏男子蓋高范遷援三公龍靈有請於太常乞官給珪璧四時祠具詔從之吏民更造廟宇而立此碑靈帝光和四年也

童子逢盛碑

按隸釋碑在濰州靈帝光和四年立童子名盛年十二而天門人孫理等立此碑

按漢隸字原俗云董孝碑元在昌邑政和三年徐修之遷於梓治之墨妙亭

按隸釋逢盛碑陰後升已右曰縣中士大夫者其父黨也故不名

涼州刺史魏元不碑

按隸釋碑損其各有其字曰元丕出刺涼州以靈帝光和四年卒故吏雲中守門生曹君共立此碑

敬阮君神祠碑

按集古錄碑在鄭縣碑文已磨滅初不可辨以類填其刻稍尋其點畫命工鑄治之乃可讀漢碑今在者類多磨滅不完故獨斯碑歷歷可見也

按隸釋自晉魏以來謂之五部神廟碑之末有題名六十六人云 又按隸釋敬阮神碑陰三百四十二人其磨滅不可見者三十餘字小而勁漢隸之神品也 按水經注云鄭縣城南山北有五部神廟前

有碑漢光初四年鄭縣令河東裴舉字君先立

敬仲碑

按集古錄碑姓名字不可見惟其初有敬仲二字尚可識疑其人姓田氏也文字磨滅比其漢碑尤甚

葉長蔡湛頌

按集古錄在鎮府故天章閣待制楊敞嘗爲余言漢時隸書在者此爲最佳

按隸釋在真定有陰靈帝光和四年立蔡君名湛治蔡三載而遷高邑吏民思其惠政故栗尹等共刊斯石頌後又志其并州之除蓋續書也

按金石錄蔡湛碑陰載出錢人名

溧陽長潘乾校官碑

按輿地碑目光和四年立

按夷堅癸志其石淪於固城湖中紹興十三年溧水尉喻仲遠得之聲置廳事之側今在縣圃

安平相孫根碑

按隸釋碑在密州孫君名根嘗爲諫大夫相安平以靈帝光和四年卒此碑體豐而勢逸字法與漢代他碑絕不類唯華山亭一碑差相近爾唐韓擇木史惟則輩蓋得此筆意 又按隸釋孫根碑陰字畫苟且尚不及魏末諸刻殆類吳晉間下品書札爾似是孫根後裔衆多譜其名於上世之碑陰也

梁相孔耽神祠碑

按隸釋靈帝光和五年立在亳州末城縣孔君名耽此碑筆法頗古怪其文又自左而右數行之後字畫頓小其末又有小字數十叙孔君之年及其子歷官與石工姓名

白石神君碑

按隸釋碑在真定靈帝光和六年立

成陽令唐扶頌

按隸釋在濮州雷澤縣有陰唐君自成陽令換治昌陽邑人慕戀既行之後處士閻蔡班等共立此碑靈帝光和六年也漢人分隸固有不工者或拙或怪皆有古意此碑雖布置整齊略無纖毫漢字氣骨全與魏晉間碑相若雖有光和紀年或後人用舊文再刻者爾

按金石錄唐君碑陰載出錢造碑人

上谷太守張平仲碑

按水經注盧奴縣有漢上谷太守議郎張平仲碑光和中立

單父令楊彥碑 尚書郎楊禪碑

按水經注鄆縣水次有單父令楊彥尚書郎楊禪字文節兄弟二碑漢光和中立

拓令許君頌

按水經注拓縣城內有拓令許君清德頌石碑字素惟此文見碑城西南里許有漢陽種天下碑錄作翟令許叔臺碑光和中立

文穆碑

按水經注山桑縣東有文穆碑豕光和中卒故吏涿郡太守彭城呂虔等立

八都神廟碑

按天下碑錄碑在鎮州元氏縣西北十里廟壇下光和中立

外黃令高彪碑

按隸釋碑紹興中吳郡取土於郭外而得之今碑在郡齋名字皆剝缺不可考碑云光和中七年龍在困敦月次鶉火六日丙申卒蓋靈帝甲子年六月也是歲十二月改元中平文苑傳有高彪字義方吳郡無錫人詳史之所書甚與碑合家無錫而葬姑蘇蓋不遠也則知此乃高彪之碑無疑

司隸從事郭究碑

按隸釋在河陽郭君名究仕郡諸曹史辟司隸從事靈帝中平元年葬碑歷叙其諸父與郭仲奇碑同

都鄉正衛彈碑

按隸釋靈帝中平二年立在汝州昆陽城中趙氏誤

認衛爲街遂云莫曉其爲何碑

幽州刺史朱龜碑

按集古錄碑云字伯靈光和六年卒水經云故吏平化中平二年造碑碑在今亳州界中後余守亳州徙碑置州學中

按金石錄朱龜碑陰文字殘缺水經云朱龜碑陰故吏姓名多上谷代郡人

郃陽令曹全碑

按石墨鐫華萬曆初郃陽縣舊城掘得此碑中平二年造碑文隸書道古碑且完好無一字缺壞真可寶也

按漢碑目曹全碑陰共五十六人

范冉墓碑

按後漢書范冉傳冉中平二年卒何進移書陳留太守累行論諡僉曰宜爲貞節先生刺史郡守各爲立碑表墓焉

南陽太守秦頡碑

按隸釋靈帝紀中平三年二月江夏兵趙慈反殺南陽太守秦頡其間有光和三字蓋是述其前事

蕩陰令張遷碑

按金薤琳琅中平三年二月故吏韋萌等刊石立表蓋其去思碑也

按金石文字記八分書今在東平州儒學歐陽越洪三家皆無此碑山東通志曰近掘地得之豈好事者得古本而摹刻之耶

尉氏令鄭季宣碑

按漢隸字原中平三年立名已殘缺季宣字耳又

按字原鄭季宣碑陰橫刻篆八字於其上曰尉氏處士故吏人名

太丘長陳寔壇碑

按隸釋陳君名寔以靈帝中平三年卒蔡中郎凡作陳君三碑其第一碑云立廟舊邑則知太丘有此碑勒其文皆已亡缺無可讀者惟其首云君諱寔字仲躬尚存

陳度碑

按金石錄文字殘缺不完最後題中平四年九月二十日己丑立云

司空掾陳君碑額

按金石錄碑已殘缺不可辨惟其首八大字尚完字畫奇偉在潁川陳太丘墓側世說註引海內先賢傳曰湛字季方寔少子也司空掾公車徵不就然則斯碑豈非陳湛碑乎

趙相劉衡碑

按隸釋碑在齊州歷城縣劉君名衡字元宰歷張掖屬國都尉議郎遼東屬國都尉趙相再爲議郎以靈帝中平四年卒

尹儉碑

按水經注彭水西北有漢安邑長尹儉墓冢西有石廟廟前有兩石闕闕東有碑中平四年立

司空掾陳寔殘碑

按隸續中郎作太丘第一碑云中平三年卒漢史誤作四年此碑作五年者乃豫牧立碑之年也

巴郡太守張納碑

按隸釋靈帝中平五年立今在巴州張君名納渤海

人此碑乃掾屬李元等爲之 又按隸釋張納碑陰題名七十有四人

大石嶺碑

按水經注新城大石山上有大石嶺碑河南隱士通明以漢靈帝中平六年八月戊辰於山堂立碑

邊韶墓碑

按述古書法纂邊韶即邊孝先漢蔡邕隸書在河南開封府東北五里

郭有道碑

按述古書法纂漢蔡邕隸書在廣西

宣父碑

按述古書法纂蔡邕書在直隸真定府

北岳碑

按述古書法纂蔡邕隸書

不其令童恢闕

按隸釋碑錄云濟州任城有童恢墓雙石闕字一云童恢琅邪人一云漢故不其令童君東漢循吏有童恢傳云恢字漢宗琅邪姑幕人辟公府除不其令其爲令在楊賜罷相之後則恢蓋孝靈時人也

園令趙君碑

按隸釋名字俱缺其卒以靈帝中平五年又二年獻帝初平元年立此碑

學殿歲月記

按輿地碑目在成都府學殿建於東漢之初平漢人以大隸記其修築歲月刻於東楹天下棟宇之古無過於此者

江州夷邑長盧豐碑

按漢隸字原建安七年立蜀人謂之漢夜郎碑

巴郡太守樊敏碑

按隸釋今在黎州樊君名敏碑云八十四歲歲在協洽蓋獻帝建安八年癸未歲也卒後二年立此碑按金石錄有漢巴郡太守樊敏碑不著書人姓名

益州太守高頤二闕

按隸釋二闕今在雅州高頤字貴方有墓碑以獻帝建安十四年卒碑石淪碎官不盡見此兩闕一有高君名字一不稱名而字闕

益州太守高頤碑

按隸釋今在雅州

綏民校尉熊君碑

按集古錄碑云君諱喬建安二十一年卒

司徒掾梁休碑

按隸續碑錄云襄州穀城有司徒掾梁君碑建安二十七年立此黃武前一年也豈吳人尚用漢曆乎否則誤字也

黃龍甘露碑二

按漢隸字原墨寶云建安二十四年黃龍見武陽赤城蜀人以爲劉氏瑞應凡二碑大小不侔碑首皆有黃龍甘露之碑六字甚偉其內無一可辨在眉州彭山縣即漢武陽縣地碑首有十九字又一小碑亦題黃龍甘露之碑其首云惟建安二十六年餘皆磨滅

舜廟碑

以下碑俱無年月

按水經注九疑山南有舜廟前有石碑文字缺落不可復識山之東北冷道縣界又有舜廟縣南有舜碑碑是零陵太守徐儉立

二妃祠碑

按水經注湘水上黃陵廟民爲立祠於水側荊州牧劉表刊石立碑樹之於廟

許由廟碑

按水經注潁川箕山有許由廟碑闕尚存是漢潁川太守朱寵所立

夷齊廟碑

按水經注首陽山上有夷齊廟前有二碑竝是後漢河南尹廣陵陳導洛陽令徐循與處士平原蘇騰南陽何進等立

太公廟碑

按水經注汲縣有太公廟廟前有碑云太公望者河內汲人也縣民故會稽太守杜宣白令崔瑗曰君與高國同宗今臨此國宜正其位以明尊祖之義遂立壇祀爲之位主

季札子碑

按水經注奉高縣有吳季札子墓前有石銘一所漢末奉高令所立

范蠡碑

按水經注宛縣三公城側有范蠡祠蠡宛人祠即故宅也後漢末有范曾字子閔爲大將軍司馬爲蠡立碑

屈原廟碑

按水經注屈原即羅淵也淵北有屈原廟廟前有碑又有漢南太守程堅碑寄在原廟

高祖廟三碑

按水經注沛縣有漢高祖廟廟前三碑後漢立廟